

CUSSEGL GROND

Sessiun da favrer 2023

Dumonda da la fracziun da la PPS concernent l'assicuranza da malsauns per requirentas e requirents d'asil – transparenza davart ils custs dals chantuns (emprim sutsegnader Gort)

Mintga onn spetgan las burgaisas ed ils burgais svizzers cun starment la publicaziun da l'augment da las premias da las assicuranzas da malsauns. Bleras persunas na san dentant betg, ch'ellas ston er pajà ina part da las assicuranzas da malsauns sur la taglia, particularmain per persunas dal sector d'asil.

Entant che la Confederaziun surpiglia quests imports durant la fasa iniciala da la procedura che ha lieu en ils centers federals, èsi silsunter l'incumbensa dals chantuns d'administrar quests custs. La Confederaziun ha communitgà ch'ella assureschia las requirentas ed ils requirents d'asil sin ses custs tar la CSS en in model accessibel publicamain. En quest connex supplitgeschan las sutsegnadras ed ils sutsegnaders la Regenza da responder las suandantas dumondas:

1. Quant autas èn stadas las premias d'assicuranza da las persunas dal sector d'asil durant ils onns 2015 fin 2022, considerà separadamain per onn (differenzià tenor il status F, N ed S per l'onn 2022)?
2. Quant auta è stada la resalva persunala durant la medema perioda?
3. Ha la Regenza ina survista dals custs totals per la sanadad da las persunas menziunadas? Sche na, pertge betg?
4. Sche gea, quant auts èn stads quests custs durant ils onns 2015 fin 2022, considerà separadamain per onn?
5. Quant auta è stada la quota da las persunas en il sector d'asil che han pajà lur premia cumplaina durant la perioda menziunada? Tge cumpart ha retratg ina reducziun da las premias?
6. Tge spazi d'agir ha il chantun per meglierar sia survista dals custs da sanadad generals en il sector d'asil, particularmain tras la legislaziun chantunala?

Cuira, ils 15 da favrer 2023

Gort, Rauch, Favre Accola, Adank, Brandenburger, Butzerin, Candrian, Casutt, Cortesi, Della Cà, Dürler, Grass, Heim, Hug, Koch, Krättli, Menghini-Inauen, Metzger, Morf, Roffler, Salis, Sgier, Städler, Weber